



Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine FBiH", broj: 35/05) i člana 57. Statuta Općine Ilijaš – Prečišćeni tekst ("Službene novine Kantona Sarajevo", br. 20/09), na prijedlog Komisije za provođenje Javnog oglasa za prijem namještenika u radni odnos na neodređeno vrijeme, Općinski načelnik donosi

**ODLUKU
O PONIŠTENJU DIJELA JAVNOG OGLASA ZA
PRIJEM NAMJEŠTENIKA U RADNI ODNOS
NA NEODREĐENO RADNO VRIJEME**

I

Poništava se dio Javnog oglasa za prijem radnika u radni odnos, broj: 02/1-34-1069/19 od 25.06.2019.godine objavljenog dana 08.07.2019.godine u dnevnim listovima "Dnevni avaz", "Oslobođenje" i "Nezavisne novine" i to za radna mjesta:

2. Viši referent za nabavke i ekonomat- jedan izvršilac u Službi za privredu i finansije, Odsjek za budžet i trezor i
3. Viši referent, za popunu i mobilizaciju struktura, mjere zaštite i obuku- jedan izvršilac u Službi civilne zaštite.

II

Ova Odluka stupa na snagu danom donošenja i bit će objavljena u u dnevnim listovima "Dnevni avaz", "Oslobođenje", "Nezavisne novine", na oglasnoj ploči Općine Ilijaš te na web-stranici Općine Ilijaš.

Obrazloženje

Odlukom o pokretanju postupka prijema namještenika u radni odnos na neodređeno vrijeme broj: 02/1-34-1069/19 od 25.06.2019. godine, Općina Ilijaš raspisala je Javni oglas za prijem namještenika na neodređeno radno vrijeme, objavljen dana 08.07.2019. godine u dnevnim listovima "Dnevni avaz", "Oslobođenje" i "Nezavisne novine".

Komisija za provođenje Javnog oglasa, imenovana rješenjem broj: 02/1-34-1069/19 od 12.07.2019. godine u sastavu Fazlić Muvedeta, Barić Zdravko i Masnopita Nedžad, sačinila je Liste kandidata koji ispunjavaju uslove oglasa, na osnovu kojih je Općinski načelnik izvršio odabir kandidata. Po konačnosti rješenja o prijemu u radni odnos broj: 02/1-34-1347/19 od 15.08.2019. (pozicija Viši referent za nabavke i ekonomat) i rješenja broj: 02/1-34-1344/19 od 15.08.2019. (pozicija Viši referent za popunu i mobilizaciju struktura, mjere zaštite i obuku), izabrani kandidati su počeli rad u Općini Ilijaš 01.12.2019.godine.

Presudom Općinskog suda u Sarajevu broj: 65 0 Rs 820265 22 Rs od 20.12.2021. godine poništena su navedena rješenja o prijemu u radni odnos, a presudom Kantonalnog suda u Sarajevu broj: 65 0 Rs 820265 22 Rs od 02.09.2025. godine potvrđena je presuda Općinskog suda. Presudama su poništena i rješenja Odbora državne službe za žalbu FBiH broj: 01-34-709/19 i 01-34-710/19 od 18.11.2019. godine, te Obavještenje broj: 02/1-34-1069/19 od 31.07.2019. godine kojim je tužitelj obaviješten da nije primljen u radni odnos.

Sudovi navode da je Općina bila dužna, prilikom odlučivanja o izboru kandidata, primijeniti odredbu člana 23. Zakona o dopunskim pravima boraca-branitelja BiH ("Službene novine Kantona Sarajevo" br. 45/2012 – Prečišćeni tekst, 26/14, 46/17 i 18/19) i obezbijediti provođenje prava na prioritarno zapošljavanje osoba iz članova 1. i 2. ovog Zakona, "kako bi svi kandidati imali potpuno iste pozicije u natječajnom procesu".




6

Komisija utvrđuje da je u vrijeme sačinjavanja Lista kandidata bio na snazi navedeni Zakon o dopunskim pravima boraca-branitelja BiH, čiji član.23. stav 2. propisuje da organi uprave, Grad Sarajevo, općine i pravna lica čiji su oni osnivači ili finansijeri najmanje 25% budžeta, moraju obezbijediti prioritet zapošljavanja osobama iz člana 1. Zakona, kao i članovima uže porodice ratnog vojnog invalida.

S obzirom na to da je od objave Javnog oglasa za prijem namještenika u radni odnos na neodređeno vrijeme 08.07.2019. godine do donošenja presude Kantonalnog suda 02.09.2025. godine protekao duži vremenski period, u kojem su nastupile izmijenjene okolnosti u unutrašnjoj organizaciji i sistematizaciji radnih mjesta u Općini Ilijaš, postoje opravdani razlozi za poništenje dijela Javnog oglasa. Stoga je odlučeno kao u dispozitivu ove Odluke.

Predlagač:

Komisija za provođenje Javnog oglasa za prijem namještenika u radni odnos na neodređeno vrijeme

- Fazlić Muvedeta, šef Odsjeka za opću upravu

- Barić Zdravko, pomoćnik načelnika Službe civilne zaštite

- Masnopita Nedžad, predstavnik sindikata


Broj: 02/1-34-1069.1/19
Ilijaš, 02.12.2025.godine



OPĆINSKI NAČELNIK

Amar Dovadžija